

Visoki predstavnik i specijalni predstavnik EU Inzko pozdravlja nastavak uspješnog rada Centralne banke BiH



Visoki predstavnik i specijalni predstavnik EU, Valentin Inzko, danas se u Sarajevu sastao sa guvernerom Centralne banke BiH, Kemalom Kozarićem.

Visoki predstavnik i specijalni predstavnik EU pohvalio je guvernera Centralne banke na blagovremenim i efikasnim reakcijama ove banke koje su sačuvalе povjerenje u bankovni sektor BiH i zaštitile fiskalnu stabilnost zemlje.

“Efikasnost, profesionalnost i odgovornost pred javnošću koju je pokazala Centralna banka predstavljaju primjer drugim institucijama u BiH,” rekao je visoki predstavnik i specijalni predstavnik EU.

Jedan od glavnih razloga zbog kojih je ova banka sposobna da djeluje brzo i efikasno je njena nezavisnost od političkog uticaja. To se mora i dalje poštovati.

Tokom sastanka, visoki predstavnik i specijalni predstavnik EU je istakao predstojeće imenovanje Upravnog odbora Centralne banke, u augustu. “Neometano funkcionisanje Centralne banke ključ je za daljnju finansijsku stabilnost u BiH i stabilnost konvertibilne marke. Ta stabilnost se ne smije dovesti u pitanje,” rekao je Inzko.

“Očekujem od Predsjedništva BiH, kao od organa koji imenuje Upravni odbor, da osigura da se proces imenovanja dobro vodi i sačuva nezavisnost ove ključne daytonske institucije”, zaključio je visoki predstavnik i specijalni predstavnik EU.